

Intrata in scola materna : Scrivite u vostru ciucciu à a Scola Corsa di Biguglia !

Di settembre 2021, a cumuna di Biguglia hè pronta à apre una Scola Corsa !!!
Vale à dì una scola assuciativa d'insignamentu immersivu.

À pàrtesi di a scola materna (piccule sezioni) i zitelli di e scole corse sò messi in un ambiente solu in lingua corsa à ogni stonde di a vita sculara (lezioni, ricriazione, ghjochi, cantina, curà ciucci, attività, surtite sculare...).

Tuttu hè fattu pè chì u zitellu pratici sempre a lingua, essendu à listessu tempu attenti à i so bisogni. Ogni annu, s'aghjusta un cìculu novu per seguità a scularità di u vostru zitellu. Stu sistema li permette di campà a pluralità, a ricchezza è l'uriginalità di a cultura corsa. L'intriotu prugressiva è crisciente di u francese in u quadru immersivu permette à u zitellu d'ammaestrà è duie lingue à a fin'di u primariu.

U zitellu, oramai bislingu sviluppa tandu è so capacità d'imparera d'altre lingue.

Ùn hè micca più difficiule, i risultati sculari à l'esamine (brevetti o basciagliè) sò frà i migliori di Francia in è scole immersive !

A forza è a garanzia di Scola Corsa arriposa nant'à trè pilastri :

- l'ingagiamentu di a cumuna di Biguglia chì mette tutti i mezi necessari à a dispusizione di l'Associu Scola Corsa
- è, soprattutto, l'investiscimentu di i parenti in a vita di l'associu Scola Corsa di Biguglia, per accumpagnà i zitelli à longu à a so scularità.

A Scola Corsa di Biguglia aprerà e so porte di settembre 2021, sè vo ci date u vostru accunsentu. Pigliate scumessa cù noi, da 2 anni è mezu à 4 anni, scrivite u vostru zitellu à a Scola Corsa di Biguglia !

U Mere

Aghjiunta à l'affari sculari